

BOSNA I HERCEGOVINA
 FEDERACIJA BOSNE I HERCEGOVINE
 BOSANSKO-PODRINJSKI KANTON GORAŽDE
 OPĆINSKI SUD U GORAŽDU
 Broj: 045-0-Su-26-000 051
 Goražde, 14.01.2026. godine

IZVJEŠTAJ

**o poštivanju optimalnih i predvidivih rokova Općinskog suda u Goraždu
 za period od 01.01.2025-31.12.2025. godine**

Analiza pokazatelja iz statističkog izvještaja o poštivanju optimalnih i predvidivih rokova:

Prema pokazateljima statističkog izvještaja o poštivanju optimalnih i predvidivih rokova u Općinskom sudu u Goraždu u izvještajnom periodu u Općinskom sudu u Goraždu došlo je povećanja broja predmeta u kojima je prekoračen predvidivi rok, u odnosu na početak izvještajnog perioda.

Tabela – Uporedni pregled neriješenih predmeta sa prekoračenjem predvidivog roka po referatima u odnosu na ukupan broj predmeta na početku i kraju izvještajnog perioda.

Referat	Broj predmeta SA prekoračenjem PREDVIDIVOG roka na početku izvještajnog perioda na dan 01.01.2025. godine	Broj predmeta BEZ prekoračenja PREDVIDIVOG roka na početku izvještajnog perioda na dan 01.01.2025. godine	Broj predmeta sa prekoračenjem PREDVIDIVOG roka na kraju izvještajnog perioda na dan 31.12.2025. godine	Broj predmeta BEZ prekoračenja PREDVIDIVOG roka na kraju izvještajnog perioda na dan 31.12.2025. godine
Parnično	27 7,48%	347 92,22%	15 8,98%	152 91,02%
Izvršno	36 30,00%	84 70,00%	27 27,84%	70 72,16%
Privredno	1 5,00%	19 95,00%	3 18,75%	13 81,25%
Stečajni postupak	1 33,33%	2 66,67%	1 33,33%	2 66,67%
Likvidacija	3 75%	1 25%	0 0	4 100%
Vanparnično	4 21,05%	15 78,95%	8 33,33%	16 66,67%
Posebni krivični postupci	0	0	1 100%	0
Redovni krivični postupak	3 9,37%	29 90,63%	6 18,75%	26 81,25%
Prekršajno	0 0,00	15 100%	1 3,23%	30 96,77%
UKUPNO	75 13,39%	485 86,61%	62 16,53%	313 83,47%

Na početku izvještajnog perioda, odnosno na dan 01.01.2025. godine kod Općinskog suda u Goraždu, u 75 neriješenih predmeta je došlo do prekoračenja predvidivog roka, što u procentima iznosi 13,39% a u 485 neriješenih predmeta, odnosno 86,61% nije prekoračen predvidivi rok.

Na dan 31.12.2025. godine ostala su 62, odnosno 16,53% neriješenih predmeta u kojima je prekoračen predvidivi rok i 375 odnosno 83,47% neriješenih predmeta bez prekoračenja predvidivog roka.

U odnosu na početak izvještajnog perioda, broj neriješenih predmeta u kojima je prekoračen predvidivi rok je manji za 13 predmeta.

U izvještajnom periodu, odnosno u periodu od 01.01.2025. do 31.12.2025. godine riješen je 1541 predmet obuhvaćen odlukom o predvidivim rokovima. U optimalnom roku riješena su 1054 predmeta ili 68,40%.

U predvidivom roku riješeno je 1265 predmeta, što u procentima iznosi: 82,09%, dok je u 276 ili 17,91% riješenih predmeta prekoračen predvidivi rok.

Važno je istaći da je postupanje nosilaca pravosudnih funkcija u toku perioda izvještavanja bilo profesionalno i savjesno, da su se na mjesečnom nivou vršile analize broja predmeta u kojima je prekoračen predvidivi rok, te da u predmetima u kojima je prekoračen predvidivi rok, isti nije prekoračen radi nepostupanja sudije po predmetu, već je isti prekoračen iz objektivnih i opravdanih razloga.

Analiza raspoloživih resursa u sudu

Materijalno tehnički resursi u sudu, u izvještajnom periodu su na zadovoljavajućem nivou, što je u najvećoj mjeri i utjecalo na ostvareni stepen poštivanja optimalnih i predvidivih rokova.

Analiza „perioda neaktivnosti“ u predmetima

Analizom predmeta utvrđeno je da u predmetima u kojima je prekoračen predvidivi rok nije bilo perioda neaktivnosti radi subjektivnog nepostupanja nosilaca pravosudnih funkcija i da su nosioci pravosudnih funkcija poduzeli sve mjere i radnje kako bi se poštivali vremenski okviri za postupanje po predmetima u sudu.

Također, važno je istaći da u određenom broju predmeta postoje procesne smetnje i da rješavanje predmeta ne zavisi od postupanja sudije. U većem broju izvršnih predmeta dolazi do odlaganja izvršenja, na što sudija ne može uticati, a predmet se ne može iskazati završenim.

Prijedlog mjera kako bi se utvrđeni predvidivi rokovi skraćivali i približavali optimalnim rokovima

Stupanjem na snagu Pravilnika o vremenskim okvirima za postupanje po predmetima u sudovima i tužilaštvima, započelo se i sa kontinuiranom analizom i praćenjem poštivanja optimalnih i predvidivih rokova u sudu.

U toku izvještajnog perioda poduzimane su mjere koje imaju za cilj skraćivanje predvidivih rokova, kako bi se isti približavali optimalnim rokovima. U tom cilju, kontinuirano su poduzimane sljedeće mjere i radnje:

- Redovna i kontinuirana analiza rješavanja predmeta u kojima je prekoračen optimalni, odnosno predvidivi rok, prvog radnog dana u mjesecu za prethodni mjesec.

- Nosiocima pravosudnih funkcija i drugim zaposlenima koji učestvuju u sudskom postupku obezbijeđeni su svi materijalno-tehnički uslovi za obavljanje posla i izlaska na teren uz obezbijeđen prijevoz za udaljena mjesta izvan gradskog područja.
- Godišnjim rasporedom poslova izvršena je jednaka preraspodjela predmeta sudijama, s ciljem ujednačavanja broja predmeta u radu sudije.



PREDSJEDNICA SUDA

Lejla Ferhatović